

摘藻堂四庫全書薈要

經部

欽定四庫全書薈要

經部

公羊注疏卷四

詳校官原任侍講臣王燕緒



欽定四庫全書薈要卷一千二百八

經部

春秋公羊傳注疏卷四

起桓公元年盡六年

漢何休學

唐陸德明音義

桓公

元年春王正月公即位

傳繼弑君不言即位此其言即位何注據莊公不言

即位音義

弑申志反注皆同二年放此

疏

解云莊元年傳云繼弑君子不言即位而此不

言子者欲見桓無臣子之道不念其君父故也寧知不由桓非隱子故不言子者正見僖元年傳云公何

以不言即位繼弑君子不言即位此非子其稱子何
臣子一例也正以僖是閔兄而言子故知桓公若有
臣人之道言子矣注解云即莊元年經
云元年春王正月不言公即位是也

如其意也注

弑君欲即位故如其意以著其惡直而不顯諱而不

盈桓本貴當立所以為篡者隱權立桓北面君事隱

也即者就先謁宗廟明繼祖也還之朝正君臣之

位也事畢而反凶服焉疏

注直而至不盈解云繼弑君者無即位之文今此書

其即位直是桓弑但不顯道其弑故曰直而不顯也
言諱而不盈者桓之弑隱是為內諱而書其即位以
見其弑不盈滿其諱文故曰諱而不盈也
也○先謁至服焉解云皆時王之禮也

三月公會鄭伯于垂注桓公會皆月者危之也桓弑賢君篡慈兄專易朝宿之邑無王而行無仁義之心與人交接則有危也故為臣子憂之不致之者為下去上適足以起無王未足以見無王罪之深淺故復奪臣子辭

成誅文也音義

為臣于偽反下為下同去起呂疏

注桓公至

危之也解云即此文及下二年三月公會齊侯已下于稷三年春正月公會齊侯于羸六年夏四月公會紀侯于成之屬是也而十年秋公會衛侯于桃丘弗遇不書月者彼是公欲要衛侯衛侯不肯見公以非禮動見拒有恥是以不復見其危矣。不致至文也解云即下二年注云凡致者臣子喜其君父脫危而至今不致之若

其受誅殺故曰奪
臣子辭成誅文也

鄭伯以璧假許田

傳其言以璧假之何注据實假不當持璧也易之也

易之則其言假之何為恭也注為恭孫之辭使若暫

假借之辭音義

孫音遜

曷為為恭注据取邑不為恭敬

辭疏

注解云即哀八年齊人取謹及鄆之屬是

有天子存則諸侯不得專

地也許田者何注地皆不得專而此獨為恭辭疑非

凡邑故更問之魯朝宿之邑也諸侯時朝乎天子天

子之郊諸侯皆有朝宿之邑焉注時朝者順四時而朝也緣臣子之心莫不欲朝朝莫夕王者與諸侯別治勢不得自專朝故即位比年使大夫小聘三年使上卿大聘四年又使大夫小聘五年一朝王者亦貴得天下之歡心以事其先王因助祭以述其職故分四方諸侯為五部部有四輩輩主一時孝經曰四海之內各以其職來助祭尚書曰羣后四朝敷奏以言明試以功車服以庸是也宿者先誠之辭古者天子

邦畿千里遠郊五百里諸侯至遠郊不敢便入必先告至由如他國至竟而假途也皆所以防未然謹事上之敬也王者以諸侯遠來朝亦加殷勤之禮以接之為告至之頃當有所住止故賜邑於遠郊其實天子地諸侯不得專也桓公無尊事天子之心專以朝宿之邑與鄭背叛當誅故深諱使若暫假借之者不舉假為重複舉上會者方諱言許田不舉會無以起從魯假之也音義

朝朝上如字下直遙反莫音暮治直吏反背音佩凡背叛之類皆放

此疏

注故即位至小聘解云此孝經說文聘義亦云天子制諸侯比年小聘三年大聘相厲以禮也

是與此合。五年一朝解云虞書傳文。尚書曰至庸是也。解云此虞書也。言羣后四朝者謂諸侯順四

時而朝也。敷奏以言者謂諸侯來朝之時偏奏以言語也。言明試以功者國功曰功謂明試以國事之功

也。言車服以庸者民功曰庸若欲賜車服之時以其治民之功為高下矣。宿者先誠之辭解云宿可以

轉訓為肅也是以祭統云先期旬有一日宮宰宿夫人夫人亦散齊七日致齊三日鄭注云宮宰守宮官

也宿讀為肅肅猶戒也戒輕肅重是也

此魯朝宿之邑也則曷為謂之

許田諱取周田也疏

解云謂魯人諱取周田而專用之

諱取周田則

曷為謂之許田繫之許也曷為繫之許近許也音義

近附近

疏

解云魯頌云居常與許復周公之宇以此言之似魯國界內舊自有許何言近許而

繫之許也彼注云常許魯南鄙西鄙此在王圻之內則非此許也

此邑也其稱田何

田多邑少稱田邑多田少稱邑注分別之者古有分

土無分民明當察民多少課功德音義

別彼疏解云列反田多

邑少稱田者謂邑外之田多邑內家數少如此之時則稱田即此是也言邑多田少稱邑者謂邑內家數多而邑外之田頃畝少如此之時則稱邑即哀八年齊人取譱及俾是也注解云知古有分土無分民者正以詩云逝將去汝適彼樂土論語云四方之民襁負其子而至矣皆是樂就有德之義故也

夏四月丁未公及鄭伯盟于越音義

越本亦作疏解云粵音同所以

日者正以十年冬齊侯衛侯
鄭伯來戰于郎相負故也

秋大水

傳何以書記災也注災傷二穀以上書災也經曰秋

大水無麥苗傳曰待無麥然後書無苗是也先是桓

簋隱百姓痛傷悲哀之心既蓄積而復專易朝宿之

邑陰逆而與怨氣并之所致音義

上時掌反凡言以
上皆放此蓄許六

反疏

注災傷至之邑解云自經曰以下皆是莊七年
傳文也彼傳云曷為先言無麥而後言無苗一

災不書待無麥然後書無苗彼注明君子云云至麥
苗獨書者民食最重是也以此言之則知此經災傷

二穀以上故不書穀名直言大水而已而莊二十八
年經云冬築微大無麥禾不無言大水者傳云冬既
見無麥禾矣曷為先言築微而後言無麥禾諱以凶
年造邑也彼注云諱使若造邑而後無麥禾者惡愈
甚也此蓋秋大水所傷就築微下但舉水則嫌冬水
者是也○陰逆至所致解云陰逆者專易朝宿之邑
是怨氣者百姓痛
傷悲哀之心是也

冬十月

二年春王正月戊申宋督弑其君與夷及其大夫孔父
注賢者不名故孔父稱字督未命之大夫故國氏之疏

解云此經之下亦有注云賢者不名故孔父稱字督未
命之大夫故國氏之者但考諸舊本悉無此注且與注

違則知有
者衍文也

傳及者何注以公夫人言及仲子微不得及君上下

大夫言及知君尊亦不得及臣故問之疏

注以公夫人言及解

云即僖十一年夏公及夫人姜氏會齊侯于陽穀是也○仲子至及君解云隱元年秋天王使宰咺來歸

惠公仲子之贈傳云何以不言及仲子仲子微也彼注云比夫人微故不得並及公是也○上下至問之

解云哀六年夏齊國夏及高張來奔是國夏上大夫高張下大夫累也注累累從君

而死齊人語也弑君多矣舍此無累者乎曰有仇牧

荀息皆累也舍仇牧荀息無累者乎曰有注叔仲惠

伯是也音義

舍音捨下同

疏

解云仇牧之事在莊十二年秋荀息之事在僖十年春注

解云應在文十八年但成十五年傳乃言之

有則此何以書賢也何賢乎

孔父注据叔仲惠伯不賢疏

注解云成十五年傳云叔仲惠伯傅子赤者也

文公死子幼公子遂謂叔仲惠伯曰君幼如之何願與子慮之叔仲惠伯曰吾子相之老夫抱之何幼君之有公子遂知其不可與謀退而殺叔仲惠伯弑子赤而立宣公彼注云殺叔仲惠伯不書者舉弑君為重叔仲惠伯事與荀息相類不得為累者有異也叔仲惠伯直先見殺爾不如荀息死之以此言之則叔仲惠伯不可與謀而見殺非衛君而死春秋不賢之是以不書故此注云叔仲惠伯不賢也

孔父

可謂義形於色矣注以稱字見先君死音義

見賢遍反下形

見目見斥見見恩
並同先悉薦反

疏解云孔父事君之正義形見於顏色矣

其義形於

色奈何督將弑殤公孔父生而存則殤公不可得而弑也故於是先攻孔父之家注大夫稱家父者字也

禮臣死君字之以君得字之知先攻孔父之家音義

殤式

疏注大夫稱家解云即定十二年孔子行季

羊反

孫三月不違曰家不藏甲邑無百雉之城是

也。父者字也解云穀梁傳文。禮臣至家解云臣死君不名之稱謚若字也者出玉藻文

殤公

知孔父死已必死趨而救之皆死焉注趨走也傳道

此者明殤公知孔父賢而不能用故致此禍設使殤

公不知孔父賢焉知孔父死已必死設使魯莊公不

知季子賢焉知以病召之皆患安存之時則輕廢之

急然後思之故常用不免音義

馬於虔反注同疏

注設使至思之解云

莊公三十二年傳云莊公病將死以病召季子季子至授之以國政曰寡人即不起此病吾將焉致乎魯

國云云是也○故常用不免解云謂宋殤公不免死魯莊公不免亂

孔父正色而立於

朝則人莫敢過而致難於其君者孔父可謂義形於

色矣注內有其義而外形見於顏色孔子曰君子正

其衣冠尊其瞻視儼然人望而畏之是也重道義形

於色者君子樂道人之善言及者使上及其君若附
大國以名通明當封為附庸不絕其祀所以重社稷
之臣也督不氏者起馮當國不舉馮弒為重者繆公
廢子而反國得正故為之諱也不得為讓者死乃反

之非所以全其讓意也音義

難乃旦反儼魚檢反本又作嚴重直用反故為

于偽反傳為隱諱下注不為諱為後同

疏

注督不至諱也解云春秋之內當國不氏者無知州吁之

屬是也今宋督實戴公之孫而不言公孫者正欲起其取國與馮故也。不得至意也解云昭二十年傳云何賢乎公子喜時讓國也昭三十一年傳云何賢手叔術讓國也繆公之傳不言讓國者死乃反之非

所以全其
讓意也

滕子來朝

三月公會齊侯陳侯鄭伯于稷以成宋亂

傳內大惡諱此其目言之何注目見也斥見其惡言
成宋亂遠也所見異辭所聞異辭所傳聞異辭注所
以復發傳者益師以臣見恩此以君見恩嫌義異也
所見之世臣子恩其君父尤厚故多微辭是也所聞
之世恩王父少殺故立煬宮不日武宮日是也所傳

聞之世恩高祖曾祖又少殺故子赤卒不日子般卒

日是也音義

傳直專反注傳聞及下注傳之皆同復扶又反下反復同殺所介反下同煬餘

亮反舊始鄭反般音班

疏

注所以復發傳者解云隱元年公子益師卒之下已有傳故言復矣○益

師至尤厚解云彼以臣之故欲見君恩之薄厚故曰以臣見恩也此以君之故欲見君恩之薄厚故曰以君見恩也○故多微辭解云定元年傳云定哀多微辭彼注云定公有王無正月不務公室喪失國寶哀公有黃池之會獲麟故總言多是其定公有王無正月得為微辭者即定公元年傳云定何以無正月正月者正即位也定無正月者即位後也彼注云雖書即位於六月實當如莊公有正月今無正月者昭公出奔國當絕定公不得繼體奉正故諱為微辭使若即位於正月後故不書正月者是也其不務公室者

即定二年冬十月新作雉門及兩觀其言新作之何脩大也脩舊不書此何以書譏何譏爾不務乎公室也彼注云務勉也不務公室亦可施於久不脩亦可施於不務如公室之禮微辭也者是也其喪國寶得為微辭者定公八年盜竊寶玉大弓傳云寶者何璋判白彼注云不言璋言玉者起圭璧琮璜璋五玉盡亡之也傳獨言璋者所以郊事天尤重書大弓者使若都以國寶書微辭也謂之寶者世世保用之辭是也其黃池之會得為微辭者哀十三年公會晉侯及吳子于黃池傳云其言及吳子何會兩伯之辭也不與夷狄之主中國則曷為以會兩伯之辭言之重吳也曷為重吳吳在是則天下諸侯莫敢不至也彼注云不書諸侯者為微辭使若天下盡會之而魯侯蒙俗會之也惡愈甚也其獲麟得為微辭者哀十四年春西狩獲麟不言為漢之將興不言為周之將亡故得為微辭也○所聞至武宮日是也解云立場宮不

日者即定元年九月立煬宮是也立武宮日者成十六年二月辛巳立武宮是也公羊之義失禮鬼神例日故言此○所傳至卒日是也解云子亦卒不日者文十八年冬十月子卒傳云何以不日隱之也何隱爾弑也弑則何以不日不忍言也注云所聞世臣子恩痛王父深厚故不忍言其日與子般異是也其子般卒日者莊三十二年冬十月乙未子般卒彼注云日者為臣子恩錄之也殺不去日見隱者降子赤也是

者隱亦遠矣曷為為隱諱注据觀魚諱疏

注解云隱五年春公

觀魚于棠彼注云實譏張魚而言觀譏遠者恥公去南面之位下與百姓爭利匹夫無異故諱使若以遠

觀為譏者是也

隱賢而桓賊也注宋公馮與督共弑君而立

諸侯會於稷欲共誅之受賂便還令宋亂遂成桓公

本亦弑隱而立君子疾同類相養小人同惡相長故賤不為諱也古者諸侯五國為屬屬有長二屬為連

連有帥三連為卒卒有正七卒為州州有伯也州中

有為無道者則長帥卒正伯當征之不征則與同惡

當春秋時天下散亂保伍壞敗雖不誅不為成亂今

責其成亂者疾其受賂也加以者辟直成亂也音義

令力呈反長丁丈反下同帥所疏注古者諸侯至有

類反下同卒子忽反下皆同

伯也

解云王制及

春秋說文○加以至亂也解云下十四年傳云以者何行其意也彼注云以已從人曰行言四國行宋意

也今此言以成宋亂者若言公為三國所以遂行其意而成宋亂非公本意故云加以者辟直成亂也

夏四月取郕大鼎于宋

傳此取之宋其謂之郕鼎何注据莒人伐杞取牟婁

後莒牟夷以牟婁來奔不繫杞也疏

注解云隱四年莒人伐杞取牟

婁昭五年莒牟夷以牟婁來奔是也

器從名注從本主名名之地從主

人注從後所屬主人器何以從名地何以從主人注

据錯疏

注解云二理相違故謂之錯

器之與人非有即爾注即就

也若曰取彼器與此人異國物凡人取異國物非就

有取之者皆持以歸為有為後不可分明故正其本

名疏

解云謂非有就而有之爾

宋始以不義取之故謂之郛鼎注

宋始以不義取之不應得故主之謂之郛鼎如以義

應得當言取宋大鼎郛本所以有大鼎者周家以世

孝天瑞之鼎以助享祭諸侯有世孝者天子亦作鼎

以賜之禮祭天子九鼎諸侯七卿大夫五元士三也

疏

宋始至取之解云謂滅郛取之也注如以義應得者解云謂若天賜之也○周家至享祭者解云謂

殷衰之時鼎没于泗水及武王克殷之後鼎乃出見故漢書云鼎於周出是也○禮祭至三也解云春秋

說文而膳夫云王日一舉鼎十有二物何氏不取也而士冠禮士喪禮皆一鼎者士冠士喪畧於正祭故

也

至于地之與人則不然注凡取地皆就有之與器

異也俄而可以為其有矣注俄者謂須臾之間創得

之頃也諸侯土地各有封疆里數今日取之然後王

者起興滅國繼絕世反取邑不嫌不明故卒可使以

為其有不復追錄繫本主音義

疆居良反

然則為取可以

為其有乎注為取恣意辭也弟子未解故云爾音義

解音

曰否何者注何者將設事類之辭若楚王之妻

媚無時焉可也注媚妹也引此為喻者明其終不可

名有也經不正者從可知省文也音義

媚音胃妹也

疏

解云

媚音于貴反以妹為妻終無可時似若器從今主之名地取便為已有亦無可時故言此也本更散亡難可指據未知此君名號云何注明其至有也解云若作名字言器不可從今主之名地不可作後主之有也考諸古本名作多字雖恣意取之亦不得多有也若如此解似覆上為取之義矣。經不至文也解云地不得為今主之有而經不繫本國以正之者從可知省文

戊申納于大廟音義

大音泰下及注同

傳何以書譏何譏爾遂亂受賂納于大廟非禮也注

納者入辭也周公稱大廟所以必有廟者緣生時有
宮室也孝子三年喪畢思念其親故為之立宗廟以
鬼享之廟之為言貌也思想儀貌而事之故曰齊之
日思其居處思其笑語思其志意思其所樂思其所
嗜祭之日入室儼然必有見乎其位周旋出戶肅然
必有聞乎其容聲出戶而聽慨然必有聞乎其嘆息
之聲孝子之至也質家右宗廟上親親文家右社稷

尚尊尊音義

嗜市志反儼音愛又
鳥改反慨苦愛反

疏

注納者入辭也
解云即莊九年

傳云納者何入辭也是也。故為至享之辭云孝經文。故曰至所嗜解云皆祭義文也。彼注云所嗜素所欲飲食是也。祭之至之聲解云亦祭義文。彼注云周還出戶謂薦設時也。無尸者闔戶若食間則有出戶而聽之是也。質家至尊尊解云春秋說文祭義篇末云建國之神位文家右社稷而左宗廟所謂一隅也。

秋七月紀侯來朝注稱侯者天子將娶於紀與之奉宗

廟傳之無窮重莫大焉故封之百里月者明當尊而不臣所以廣孝敬蓋以為天子得娶庶人女以其得專封

也疏

注稱侯至百里解云知天子將娶於紀者正以下八年冬遂逆王后于紀九年春紀季姜歸于京師

之文也知其元非大國者正以隱二年紀子伯莒子盟于密伯子並稱之故知此侯非本爵也知非暫得褒賞而已而知封之百里者正以自今以後恒稱侯故也即下六年夏公會紀侯于成十三年春公會紀侯鄭伯之屬是也○月者至孝敬解云凡朝例時以其尊而不臣故書月令與朝異○蓋以至封也解云此欲道諸侯不得專封是以不取于大夫以下即文四年夏逆婦姜于齊畧之也彼注云賤非所以奉宗廟故畧之是也

蔡侯鄭伯會于鄧

傳離不言會此其言會何注据齊侯鄭伯于紀二國

會曰離二人議各是其所是非其所非所道不同不能決事定是非立善惡不足采取故謂之離會疏

注据

齊至離會解云五年齊侯鄭伯如紀當時紀不與會
是以齊侯鄭伯為離會也但離不言會故變言如矣

蓋鄧與會爾注時因鄧都得與鄭會自三國以上言

會者重其少從多也能決事定是非立善惡尚書曰

三人議則從二人之言蓋取諸此音義

與音預疏

注尚書至

之言解云
洪範文

九月八杞

公及戎盟于唐注不日者戎怨隱不反國善桓能自復

翕然相親信

冬公至自唐注致者君子疾賢者失其所不肖者反以相親榮故與隱相違也明前隱與戎盟雖不信猶可安也今桓與戎盟雖信猶可危也所以深抑小人也凡致者臣子喜其君父脫危而至疏

注故與隱相違也解云即隱二年秋八月公及

戎盟于唐不書致是也○明前至安也解云隱公之盟書日故言不信也不書致故言猶可安○今桓至而至

解云不日故為信書致故言危也

三年春正月公會齊侯于贏注無王者以見桓公無王而行也二年有王者見始也十年有王者數之終也十

八年有王者桓公之終也明終始有王桓公無之爾不就元年見始者未無王也二月非周之正月所以復去之者明春秋之道亦通於三王非主假周以為漢制而

已音義

羸音盈見賢偏反下并年下以疏注二年至始見同復扶又反下同去起呂反

年春王正月戊申宋督弑其君與夷是也。十年至終也。解云即十年春王正月庚申曹伯終生卒是。十八年至終也。解云即十八年春王正月公會齊侯于漂是也。不就至始者解云元年春王正月初即位之時自知已篡戰懼畏討未敢無王是以春秋於正月之際不得見始。湏臾之後還復為惡。擅易天子之田俄然無憚。故至二年正月言王以見始。○二月至三王解云即七年二月己亥焚咸丘十有三年春二月公會紀侯鄭伯

云云十五年春二月天王使家父來求車之屬是也

夏齊侯衛侯胥命于蒲

傳胥命者何疏

解云春秋上下更無胥命之文故執不知問

相命也注胥

相也時盟不歃血但以命相誓音義

歃本又作啗所洽反又所甲反

疏

注時盟至相誓解云亦相誓勅但不歃血而已故謂之盟也

何言乎相命注据

盟亦相命不道也近正也注以不言盟也音義

近附近之

近下及注同

此其為近正奈何古者不盟結言而退注善

其近正似於古而不相背故書以撥亂也音義

背音佩

解云古者不盟而言近正雖不歃血口相誓勅不若古者結言而退故言近正而已

六月公會紀侯于盛音義

盛音成

秋七月壬辰朔日有食之既

傳既者何疏

解云與例不同故執不知問

盡也注光明滅盡也是

後楚滅鄧穀上僭稱王故尤甚也楚滅鄧穀不書者

後治夷狄疏

注是後楚滅鄧穀解云即下七年夏穀伯綏來朝鄧侯吾離來朝傳云皆何以

名失地之君也是也○上僭稱王解云春秋說云桓三年秋七月壬辰朔日有食之既其後楚僭號稱王

滅鄧穀政教

陵遲是也

公子翬如齊逆女

九月齊侯送姜氏于謹音義

謹呼官反

傳何以書譏何譏爾諸侯越竟送女非禮也注以言

姜氏也禮送女父母不下堂姑姊妹不出門疏

注以言姜

氏也解云謹若齊也宜言齊侯送孟姜于謹今言此姜氏故知越竟也○禮送至出門解云時王之禮

入國矣何以不稱夫人注据謹魯地自我言齊注恕

已以及人也父母之於子雖為隣國夫人猶曰吾姜

氏注所以崇父子之親從父母辭不言孟姜言姜氏

者從魯辭起魯地疏

猶曰吾姜氏解云若有言孟姜者孟為衍字也注從父至魯地

解云孟姜者即詩云彼美孟姜正謂此也孟字亦有作季字者誤也

公會齊侯于謹夫人姜氏至自齊

傳暈何以不致注据遂以夫人婦姜至自齊致疏

注解

云在宣元年

得見乎公矣注本所以致夫人者公不親迎

有危也暈當并致者暈親迎重在暈也上會謹時夫人以得見公得禮失禮在公不復在暈茲不復致不就謹上致者婦人危重故据都城乃致也月者為夫

人至例危重之音義

迎魚敬反下同疏注不就至乃

謹致即鄉者至謹之時書之宜在公會齊侯于謹上

○月者至重之解云即宣元年三月遂以夫人婦姜

冬齊侯使其弟年來聘

有年

傳有年何以書注方分別問大有年故不但言何以

書音義

列別彼反

以喜書也大有年何以書亦以喜書也

此其曰有年何僅有年也注僅猶劣也謂五穀多少

皆有不能大成熟音義

僅其靳反劣也

疏

注謂五至成熟解云舊本如是其穀

下云皆有不能大成熟多少二字或衍文也若必字字解之多謂麥禾少謂豆之屬是事皆有但不能大

也彼其曰大有年何注問宣十六年也大豐年也注

謂五穀皆大成熟僅有年亦足以當喜乎恃有年也

注恃賴也若桓公之行諸侯所當誅百姓所當叛而

又元年大水二年耗減民人將去國喪無日賴得五

穀皆有使百姓安土樂業故喜而書之所以見不肖

之君為國尤危又明為國家者不可不有年音義

行下

孟反耗呼報反減
佳斬反喪息浪反

四年春正月公狩于郎音義

狩手又反
冬獵也

傳狩者何疏

解云正以春而言
狩故執不知問

田狩也注田者蒐狩

之總名也古者肉食衣皮服捕禽獸故謂之田取獸

于田故曰狩易曰結繩網以田魚疏

注田者蒐狩之
總名也解云即

尚書云文王不敢盤于遊田○古者至田魚解云此
古者謂三皇之時也故禮運道三皇時云昔者先王
未有火化食草木之實鳥獸之肉飲其血茹其毛未
有麻絲衣其羽皮後聖有造然後脩火之利治其麻
絲以為布帛以養生送死以事鬼神又下繫辭云黃
帝堯舜垂衣裳而天下治彼注云始去羽毛故鄭注

易說云古者田漁而食之因衣其皮先知蔽前後知蔽後後王易之以布帛而猶存其蔽前者重古道不

忘本以此言之則黃帝以後始有火化而去羽毛則此古者三皇時可知

春曰苗注苗毛

也明當見物取未懷任者疏

解云周禮春田謂之蒐何氏所不取

秋曰

蒐注蒐簡擇也簡擇幼穉取其大者音義

蒐本又作搜亦作虔

所求反

冬曰狩注狩猶獸也冬時禽獸長大遭獸可取

不以夏田者春秋制也以為飛鳥未去於巢走獸未

離於穴恐傷害於幼穉故於苑囿中取之音義

長丁反

年末同離力疏

注不以至制也解云正以周禮四時皆田故也

常事不書此

何以書譏何譏爾遠也注以其地遠禮諸侯田狩不

過郊疏

注解云十年冬齊侯衛侯鄭伯來戰于郎傳云郎者何吾近邑莊二十一年春築臺于郎

傳云何以書譏何譏爾臨民之所激浣也以此言之則郎為近邑言遠也者蓋以郎邑在郊內其屬地在郊外若據邑言之則為近若據地言之則為遠也故哀十一年左氏郊之戰檀弓謂之戰于郎也者是郎邑在郊內之證也則此言狩于郎者據郊外屬地言之故言遠是以此注云以其地遠禮諸侯田狩不過郊下五年大雩之下注云去國遠狩是也而舊云以其云大野遠故言遠者非諸侯曷為必

田狩注据有園也疏

注解云即成十八年築鹿園之屬是也

一曰乾豆

注一者第一之殺也自左鶚射之達於右鬴中心死

疾鮮潔故乾而豆之中薦於宗廟豆祭器名狀如鐙

天子二十有六諸公十有六諸侯十有二卿上大夫

八下大夫六士二音義

膝毗小反又扶了反王倉云小腹兩邊肉說文云脅後髀

前肉射食亦反下同髀本又作膈魚俱反又五苟反說文云肩前也字林云肩前兩孔骨也五口反中丁

仲反下同鐙都鄧反又音登

疏

注自左至如鐙解云時王之禮古制無文○天子至士二解云自下

大夫六以上禮器文也其士二者何氏差也案聘禮致饗餼于上大夫堂上八豆設于房西則知此皆堂

上豆數也公食大夫禮曰宰夫自東房薦豆六設于醬東則食下大夫之禮而豆六則知食卿上大夫亦

八明矣周禮公之豆四十侯伯之豆三十有二子男之豆二十有四者蓋普言之

二曰賓客

注二者第二之殺也自左髀射之達於右脾遠心死

難故以為賓客音義

遠于萬反

疏

解云言以為賓組實為猶作也

三曰充

君之庖注充備也庖廚也三者第三之殺也自左髀

射之達於右肱中腸腠汚泡死遲故以充君之庖廚

已有三牲必田狩者孝子之意以為己之所養不如

天地自然之牲逸豫肥美禽獸多則傷五穀因習兵

事又不空設故因以捕禽獸所以共承宗廟示不忘

武備又因以為田除害狩例時此月者譏不時也周

之正月夏之十一月陽氣始施鳥獸懷任草木萌芽

非所以養微音義

庖步苞反腓方爾反又步啟反股外也本又作腓腓羊紹反字林子

小反一本作肱音賢泡普交反又百交反捕音步本又作搏音博又音付共音恭為田于偽反下音同

疏

注狩例時解云即莊四年冬公及齊人狩于郕傷二十八年冬天王狩于河陽是也。此月者至養

微解云在哀十四年孔子欲夏之孟冬以為田狩之月

夏天王使宰渠伯糾來聘音義

糾居黝反

傳宰渠伯糾者何疏

解云欲言微者而經稱伯欲言尊卿連名言之故執不知問

天子之大夫也其稱宰渠伯糾何注据劉卷卒氏采

不名且字音義

采七代反後同

疏

注解云在定四年也劉是其采卷是名也

下大

夫也注天子下大夫繫官氏名且字繫官者卑不得專官事也稱伯者上敬老也上敬老則民益孝上尊齒則民益弟是以王者以父事三老兄事五更食之於辟雖天子親袒而割牲執醬而饋執爵而醕冕而總干率民之至也先王之所以治天下者有五貴有德為其近於道也貴臣為其近於君也貴老為其近於父也敬長為其近於兄也慈幼為其近於子弟也

禮君於臣而不名者有五諸父兄不名經曰王札子是也詩曰王曰叔父是也上大夫不名祭伯是也盛德之士不名叔肸是也老臣不名宰渠伯糾是也下去二時者桓公無王而行天子不能誅反下聘之故

為貶見其罪明不宜音義

弟大計反更音庚食音嗣辟必亦反袒音但饋其愧

反醕以刃反又士刃反近附近之近下同疏注天子札側八反肸許乙反去起呂反見賢偏反

疏

注天子至且字

解云言繫官以為氏渠是名糾是且字也○是以至之至也解云祭義云食三老五更於大學天子親袒而割牲執醬而饋執爵而醕冕而總干所以教諸侯之弟也鄭注云割牲制俎實也冕而總干親在舞位

以樂侑食也教諸侯之弟次事親起也樂記亦有此文○先王至弟也解云皆祭義文也○禮君至是也解云皆何氏之意故皆取經以當之○諸父至是也解云宣十五年王札子殺召伯毛伯傳云王札子者何長庶之號也注云天子之庶兄札者冠且字也禮天子庶兄冠而不名所以尊之是也○上大夫至是也解云隱元年祭伯來傳云祭伯者何天子之大夫也是也○盛德至是也解云宣十七年公弟叔肸卒彼注云稱字者賢之宣公篡立叔肸不仕其朝不食其祿終身於貧賤故孔子曰篤信好學守死善道危邦不入亂邦不居天下有道則見無道則隱此之謂也是○老臣至不宜解云渠是其名而言不名者謂計其官爵之時實合氏官名而且字但以其年老故兼稱伯示有不名之義也故知之矣

五年春正月甲戌己丑陳侯鮑卒

傳曷為以二日卒之憾也注憾者狂也齊人語音義

憾呼述反狂也齊人語

甲戌之日亡己丑之日死而得君子疑

焉故以二日卒之也注君子謂孔子也以二日卒之

者闕疑疏

注解云正以哀十四年傳云君子曷為為春秋故也

夏齊侯鄭伯如紀

傳外相如不書此何以書注据蔡侯東國卒于楚不

言如也疏

注解云在昭二十三年夏也案襄二十六年許男甯卒于楚在蔡侯之前而不據之

者科取一以當之不以後見義或離不言會也注時

者正以蔡是大國齊之類故取之

紀不與會故畧言如也春秋始錄內小惡書內離會畧外小惡不書外離會至所聞之世著治升平內諸夏而詳錄之乃書外離會嫌外離會常書故變文見

意以別嫌明疑音義

與音預治直吏反見賢徧疏注反下文注並同別彼列反

內離會者解云即隱二年公會戎于潛是也。不書外離會者解云即此文變會言如是也。乃書外離會解云即宣十一年晉侯會狄于攢函是也。嫌外至明疑解云若不載此事以畧言如則嫌所傳聞之世合書外離會但偶無之而已故曰嫌外離會常書也故書而變其文見所傳聞之世不書外離會之意故曰變文見意也所以別其嫌而明其疑故曰以別嫌明疑也

天王使仍叔之子來聘

傳仍叔之子者何疏

解云欲言大夫而文言之子欲言未仕而天王使之故執不知

問

天子之大夫也其稱仍叔之子何注据宰渠氏官

武氏子不稱官又不加之尹氏不稱子疏

注据宰渠氏官解云

即上四年夏天王使宰渠伯糾來聘是也○武氏至加之解云即隱三年秋武氏子來求聘是也○尹氏不稱子解云即隱三年夏四月辛卯尹氏卒是也 譏何譏爾譏父老子代從

政也注禮七十縣車致仕不言氏者起父在也加之

者起子辟一人音義

縣音

疏

注禮七十縣與致仕解云案春秋說文謂之縣

興者淮南子曰日至於悲谷是謂晡時至於淵隅是謂高春至於連石是謂下春至於悲泉爰止其女爰息其馬是謂縣興舊說云日在縣興一日之暮人年七十亦一世之暮而致其政事於君故曰縣興致仕也亦有作車字者○不言至在也解云言仍氏子則與武氏子文同嫌亦無父故曰起父在○加之至一人解云若言仍叔子則與僖三十三年百里子與塞叔子之類是一人故曰加之者起子辟一人

葬陳桓公注不月者責臣子也知君父有疾當營衛不

謹而失之也傳曰葬生者之事疏

注不月至之也解云正以卒日葬月乃是

大國之例今書時故決之○傳曰至之事解云隱十一年傳文

城祝丘

秋蔡人衛人陳人從王伐鄭音義

從如字又才用反傳及注同

傳其言從王伐鄭何注据河陽舉王狩别出朝文文

不連王王師不道所加疏

注据河至連王解云僖二十八年冬公會晉侯以下

于溫天王狩于河陽壬申公朝于王所彼舉王狩此不舉之彼則出公朝之文其文不連上王今言從王伐鄭經連王言之故難之或者上會于溫諸侯之文連王言之○王師不道所加解云成元年秋王師敗績于貿戎不道伐某今言伐鄭故難之

從王正也注美其得正義也故

以從王征伐錄之蓋起時天子微弱諸侯背叛莫肯

從王者征伐以善三國之君獨能尊天子死節稱人

者刺王者也天下之君海內之主當秉綱撮要而親自用兵故見其微弱僅能從微者不能從諸侯猶莒稱人則從不疑也不使王者首兵者本不為王舉也

知實諸侯者以美得正音義

撮七活反不為于偽反下所為與為六年同

疏

注猶莒至疑也解云即隱八年公及莒人盟于包來傳曰公曷為與微者盟稱人則從不疑也注云

從者隨從也實莒子也言莒子則嫌公行微不肖諸侯不肯隨從公盟而公反隨從之故稱人則隨從公不疑矣是也○不便至得正解云若使王者首兵宜言王以蔡人衛人陳人伐鄭似若僖二十六年公以

楚師伐齊

取穀然

大雩

卷四

傳大雩者何旱祭也注雩旱請雨祭名不解大者祭

言大雩大旱可知也君親之南郊以六事謝過自責

曰政不一與民失職與宮室崇與婦謁盛與苞苴行

與讒夫倡與使童男女各八人舞而呼雩故謂之雩

不地者常地也音義

與音餘下同苴子餘反

疏

注君親之至倡與解云皆韓詩

傳文政不一與謂政不專一出自權臣之門民失職與謂廢其農業宮室崇與謂若丹楹刻桷之屬婦謁盛與謂阿諂亂國苞苴行與謂受人之饋政以賄成讒夫倡與謂若魯任鄭瞻○使童至之雩解云論語

云冠者五六人童子六七人與此異者彼言暮春者
春服既成明魯人正雩故其數少復不言男女今此
書見于經非正雩也凡脩雩者皆為旱甚而作之故
其數多又無男女矣是以司巫職曰若國大旱則率
巫以舞雩是也春秋說文冠者七八人童子八九人
者蓋是天子雩也○不地者常地也解云謂在魯城
南沂水上然則何以不言旱注據日食鼓用牲于社疏

注解

云莊二十五年經彼舉日食乃言鼓用牲于社此不言旱直言大雩故據難之言雩則旱見

言旱則雩不見注從可知故省文也日食獨不省文
者與大水同禮若但言鼓用牲則不知其所為必見
雩者善其能戒懼天災應變求雨憂民之急也音義

應應對之

疏

注與大至急也解云諸言日食與大水皆鼓用牲也即莊二十五年秋大水鼓

用牲于社是也

何以書記災也注旱者政教不施之應先是

桓公無王行比為天子所聘得志益驕去國遠狩大

城祝丘故致此旱疏

注比為天子所聘解云即莊四年夏天王使宰渠伯糾來聘是

也○去國遠狩解云即四年春公狩于郎是也○大城祝丘解云在今年夏正以大崩壞敗然後發衆城

之故曰

大城

螺音義

螺音終本亦作蠶說文蠶或姦字

傳何以書記災也注螺者煩擾之所生與上旱同說

冬州公如曹

傳外相如不書此何以書過我也注為六年化我張

本也傳不言化我者張本非再化也稱公者申其尊

起其慢責無禮音義

過古禾反又古卧反

疏

注稱公至無禮解云天子三公稱公

王者之後稱公州國非此二者必非是公但今過魯自尊若公故如其意書之曰公以起其無禮也但諸文不知本爵是何諸家之意左氏已具也

六年春正月寔來音義

寔市力反

傳寔來者何疏

解云不書其人而經言寔來故執不知問

猶曰是人來也

注猶曰是人來不錄何等人之辭孰謂謂州公也注
以上如曹書曷為謂之寔來慢之也曷為慢之注据
葵丘之盟日化我也注行過無禮謂之化齊人語也
諸侯相過至竟必假塗入都必朝所以崇禮讓絕慢
易戒不虞也今州公過魯都不朝魯是慢之為惡故
書寔來見其義也月者危錄之無禮之人不可備責

之音義

易以鼓反見賢徧反下見無正同

疏

注据葵至盟日解云信九年九月戊辰諸侯盟

于葵丘傳云桓之盟不日此何以日危之也何危爾桓公震而矜之叛者九國震之者何猶曰振振然注

云亢陽之貌矜之者何猶曰莫若我也注云色自美大之貌然則桓公振矜慢人而書日危之本魯慢州公非敬逆之道是以据而難之○行過至義也解云今州公過魯而慢之傳云化我故知化我是行過無禮之言是以哀六年傳云陳乞曰常之母有魚菽之祭願諸大夫之化我也諸大夫皆曰諾於是皆之陳乞之家亦是行過無禮之事○月者至責之解云凡朝例時此不朝故書月以見危不書日以見其危者無禮之人不可備責故也

夏四月公會紀侯于成

秋八月壬午大閱音義

閱音悅

傳大閱者何疏

解云欲言習兵而不言狩欲言他事而經書大閱故執不知問

簡車

徒也注大簡閱兵車使可任用而習之音義

任音士

何

以書蓋以罕書也注罕希也孔子曰以不教民戰是

謂棄之故比年簡徒謂之蒐三年簡車謂之大閱五

年大簡車徒謂之大蒐存不忘亡安不忘危不地者

常地也蒐例時此日者桓既無文德又忽忘武備故

尤危錄疏

解云大閱之禮三年一為桓公忽忘武備過於三年是以書之注孔子至棄之解云

何氏之意與鄭別○故比至之蒐解云即昭八年秋蒐于紅之屬是也○三年至大閱解云此文是也○

五年至大蒐解云即定十四年大蒐于比蒲之屬是也知其年數者漢禮猶然○不地者常地也解云蓋

在郊內而賈注經云簡車馬于廟也者何氏不取○
蒐例時解云昭八年秋蒐于紅定十四年夏大蒐于
比蒲之屬是也○此日至危錄解云例
合書時而乃書日故以為尤危錄也

蔡人殺陳佗音義

佗大阿反

傳陳佗者何疏

解云欲言陳君經不書爵欲言大夫又不言氏故執不知問

陳君

也注以躍卒不書葬也疏

注解云十二年八月壬辰陳侯躍卒注云不書葬者

佗子也佗不稱侯者嫵貶在名例不當絕故復去躍葬也是以昭十一年楚師滅蔡執蔡世子有以歸用之傳云此未踰年之君也其稱世子何不君靈公不成其子也不君靈公則曷為不成其子誅君之子不立以此言之正由陳佗不君而見絕故去其子葬是故以躍不書葬知佗是陳君若若其不然不知陳侯躍

何以不書葬矣陳君則曷為謂之陳佗注据殺蔡侯般不言

蔡般音義

般音班

疏

注解云昭十一年楚子虞誘蔡侯般殺之於申是也

絕也注

絕者國當絕曷為絕之注据戕鄫子不絕音義

戕在良反

鄫才疏

注解云宣十八年邾婁人戕鄫子稱子而不名是也

賤也其賤奈何外

淫也惡乎淫注惡乎猶於何也音義

惡音烏注同

淫乎蔡

蔡人殺之注蔡稱人者與使得討之故從討賊辭也

賤而去其爵者起其見卑賤猶律文立子姦母見乃

得殺之也不日不書葬者從賤文音義

去起呂反

疏

注猶律至

之也解云猶言對子姦母也○不日至賤文解云陳佗是君而見弑例合書日即隱四年戊申衛州吁弑其君完之屬是也君被外國殺者不責臣子不討賊例合書葬即桓十八年葬我君桓公是也今不書日不書葬者從賤文故也

九月丁卯子同生

傳子同生者孰謂疏

解云春秋之內魯侯多矣皆不書生今特書故問為誰

謂

莊公也注以夫人言同非吾子音義

嚴音莊本亦作莊案後漢諱莊

改為

疏

注解云即莊元年傳云夫人譖公子齊侯公曰同非吾子齊侯之子也者是也正以道公

疑非已子則是其長子同既繫體是常故知莊公也

何言乎子同生注据君存

稱世子子般不言生疏

注解云莊三十二年冬十月乙未子般卒傳云子卒云子

卒此其稱子般卒何君存稱世子君薨稱子某既葬稱子踰年稱公是也

喜有正也注喜

國有正嗣未有言喜有正者此其言喜有正何久無

正也子公羊子曰其諸以病桓與注其諸辭也本所

以書莊公生者感隱桓之禍生於無正故喜有正而

不以世子正稱書者明欲以正見無正疾惡桓公日

者喜錄之禮生與來日死與徃日各取其所見日也

禮世子生三日卜士負之寢門外以桑弧蓬矢射天

地四方明當有天地四方之事三月君名之大夫負

朝于廟以名徧告之音義

桓與音餘稱尺證反惡烏路反射食亦反徧音遍

疏

注而不至桓公解云若以正稱書宜言世子同生也同實世子而不以正稱書之是其以正見無正

之義桓由不正而篡弑故曰疾惡桓公也○日者至日也解云與由數也由生數來日故書丁卯而錄之凡人謂方至為來已過為往故云生與來日死與往日也鄭注曲禮上篇云生數來日謂成服杖以死明日數也死數往日謂殯歛以死日數也者與何氏異○禮世至告之解云皆出內則文也

冬紀侯來朝注朝聘例時

春秋公羊傳注疏卷四

春秋公羊傳卷四考證

三月公會鄭伯于垂注桓公會皆月者危之也○

臣召

南

按僖元年八月會榿十六年十二月會淮成二年十一月會蜀襄十六年二月會溴梁皆會加月其他因會而盟而伐者加月尤多安見桓會皆月之為危之乎故知以日月為例皆臆說也

鄭伯以璧假許田傳曷為為恭疏即哀八年齊人取謹及僂之屬是○僂他本作闡非也此傳自作僂

傳魯朝宿之邑也注疏五年一朝解云虞書傳文○

臣

浩

按比年一小聘三年一大聘五年一朝此王制文也虞書孔傳並無此語必係從前傳寫之誤

傳繫之許也○劉敞曰傳非也詩云居常與許復周公之宇周公受封本有此許邑非孔子作春秋故繫之許且邑地各自有名或曰許田或曰龜陰田據實而書豈擅改易哉

臣召南

按疏云似魯國界內舊自有

許何言近許而繫之許已先劉氏疑傳之非且如經

書築臺于薛築臺于秦亦是魯地名薛名秦耳豈繫之薛及秦哉

大水傳疏惡愈甚也○監本脫甚字今增

宋督弑其君與夷及其大夫孔父傳孔父可謂義形於色矣○臣召南按公羊賢孔父仇牧褒獎忠臣扶樹

名教其義長於左氏

傳故於是先攻孔父之家注父者字也疏穀梁傳文○

臣召南

按今本穀梁傳作父字謚也後人每疑於父

非諡諡字當是衍文觀於此疏可知穀梁本文原無諡字也

取郛大鼎于宋傳故謂之郛鼎注周家以世孝天瑞之鼎以助享祭疏謂殷衰之時鼎沒于泗水及武王克殷之後鼎乃出見○臣召南按注不過公羊家說即

吾邱壽王之對武帝所云周德無所不通上天報應鼎為周出云爾此鼎與九鼎無涉九鼎沒於泗水乃周末秦初事非殷末也武王遷九鼎于洛邑非得之

泗水也疏文牽合附會鄙俚如此

納于太廟傳疏祭義篇末云建國之神位文家右社稷而左宗廟○祭義原文無文家二字

紀侯來朝○

臣宗楷

按左氏經作杞侯傳云秋七月杞

侯來朝不敬杞侯歸乃謀伐之有九月入杞之文公羊亦書入杞自是兩事左氏則合為一矣

又注稱侯者天子將娶于紀與之奉宗廟故封之百

里○

臣召南

按此義傳所不言而何休以意測者也

休烏知紀之先不為侯爵乎此時周天子豈復能封
建侯國且紀地東逼萊夷西隣強齊南接邾莒又安
得有寬閒之地可開拓為百里也者休何所据而知
紀以王后之故進爵為侯乎又謂天子得娶庶人女
以其得專封此亦漢家故事后族以恩澤封侯非古
法也疏謂隱二年有紀子伯之文故知侯非本爵夫
紀子伯闕文也可為据乎

蔡侯鄭伯會于鄧傳蓋鄧與會爾注尚書曰三人議則

從二人之言○洪範本文作三人占則從二人之言
春正月公會齊侯于贏注無王者以見桓公無王而行
也○臣召南按自有此注而桓無王之說遂不可解
矣然公羊子既不言何以創為此說推檢二百四十
二年中無王者多矣實不止一桓也

公狩于郎傳疏後聖有造○禮運原文作後聖有作

傳冬曰狩注不以夏田者春秋制也○臣召南按左傳

謂春蒐夏苗秋獮冬狩與周禮合穀梁謂春曰田夏

曰苗秋曰蒐冬曰狩名目稍殊然其為四時之田一也公羊則謂春苗秋蒐冬狩而夏時獨闕劉敞曰何休言春秋之制非也禮記王制亦復闕夏蓋王制出自漢時諸儒皆承公羊之謬不足為據也此論甚確夏天王使宰渠伯糾來聘傳下大夫也注下去二時者桓公無王而行天子不能誅反下聘之故為貶○劉敞曰注非也史有關遺日月者仲尼皆不私益之日月無足見義而益之似不信故不為也

五年春正月甲戌己丑陳侯鮑卒傳曷為以二日卒之
憾也○趙匡曰左氏云再赴豈有正當禍亂之時而
暇競使人赴告哉經文甲戌下當記陳佗作亂之事
全簡脫之耳孫復曰闕文也未有以二日卒者也二
說得之

天王使仍叔之子來聘傳何譏爾疏至於淵隅○淮南
子本文作淵虞

大雩傳何以書注先是桓公無王行○
臣召南按前後

文勢應作無王而行各本俱脫而字耳

蔡人殺陳佗傳陳君也疏正由陳佗不君而見絕故去

其子葬○

臣召南

按若以父之惡而貶其子之終則

宣王當因厲而不入周廟蔡仲當因叔而不稱蔡侯
矣有是理乎

春秋公羊傳卷四考證

欽定四庫全書薈要

經部

公羊注疏卷五



詳校官原任侍講_臣王燕緒

欽定四庫全書薈要卷一千二百九

經部

春秋公羊傳注疏卷五

起桓公七年
盡十八年

漢何休學

唐陸德明音義

七年春二月己亥焚咸丘

傳焚之者何疏

解云咸丘是邑而反
焚之故執不知問

樵之也注樵薪

也以樵燒之故因謂之樵之樵之齊人語音義

樵似
遙反

薪樵之者何疏

解云雖言焚言樵仍非
攻邑之義故執不知問

以火攻也何

言乎以火攻注据戰伐不道所用兵音義

攻音貢又
如字下同

疾始以火攻也注征伐之道不過用兵服則可以退

不服則可以進火之盛炎水之盛衝雖欲服罪不可

復禁故疾其暴而不仁也傳不託始者前此未有無

所託也音義

復扶又反

咸丘者何疏

解云欲言是國經典未有欲言非國文無

所繫故執不知問

邾婁之邑也曷爲不繫乎邾婁注据邾鄆

部繫紀音義

邾步丁反鄆子斯反一音晉部音吾

疏注解云莊元年冬齊師遷紀邾鄆部

是國之也注欲使如國故無所繫加之者辟寔國也

曷爲國之注据邾鄆部不國君存焉爾注所以起邾

婁君在咸丘邑明臣子當赴其難與在國等也日者

重錄以火攻也音義

難乃疏旦反

注日者至攻也解云正以侵伐例時卽隱七年

秋公伐邾婁之屬是也故決之

夏穀伯綏來朝鄧侯吾離來朝

傳皆何以名注据滕薛不名也疏

注解云卽隱十一年春滕侯薛侯來

朝是也

失地之君也疏

解云卽曲禮下云諸侯失地名是

其稱侯朝何

注据以賤也貴者無後待之以初也注穀鄧本與魯

同貴爲諸侯今失爵亡土來朝託寄也義不可卑故

明當待之如初所謂故舊不遺則民不偷無後者施於所奔國也獨妻得配夫託衣食於公家子孫當受田而耕故云爾下去二時者桓公以火攻人君故貶明大惡不月者失地君朝惡人輕也名者見不世也

音義

偷他侯反本又作媮去起呂反見賢徧反

疏

注無後至大惡解云知如此者正以郊特牲云

諸侯不臣寓公故古者寓公不繼世彼注云寓寄也寄公之子非賢者世不足尊也是其義又云繼世以立諸侯象賢也注云賢者子孫恒能法其先父德行○不月至輕也解云朝例時春秋常典卽文十五年夏曹伯來朝是也而此責其月者以文十二年春王正月盛伯來奔傳云盛伯者何失地之君彼書月見

其奔重宜厚遇之此不月者朝惡人輕故也僖二十
年夏郕子來朝僖公非惡人而不月者正以朝輕于
奔故也然則此注因桓惡人故言此若其不然正宜
直云失地之君來朝輕矣○名者見不世也解云郕
子盛伯皆不名
者兄弟故也

八年春正月己卯烝音義

烝之承反
冬祭也

傳烝者何疏

解云欲言宗廟之祭而文無所繫
欲言祭天天無烝名故執不知問

冬祭

也春曰祠注薦尚非卯祠猶食也猶繼嗣也春物始

生孝子思親繼嗣而食之故曰祠因以別死生音義

祠嗣絲反卯力管反
食音飼別彼列反

夏曰禘注薦尚麥魚始熟可禘

故曰禱音義

禱音子若反本又作禱同

疏

注薦尚韭卯又注薦尚麥至曰禱解云王制云

春薦韭夏薦麥秋薦黍冬薦稻
韭以卯麥以魚黍以肫稻以鴈

秋曰嘗

注薦尚黍肫

嘗者先辭也秋穀成者非一黍先熟可得薦故曰嘗

冬曰烝

注薦尚稻鴈烝衆也氣盛貌冬萬物畢成所

薦衆多芬芳備具故曰烝無牲而祭謂之薦天子四

祭四薦諸侯三祭三薦大夫士再祭再薦祭於室求

之於幽祭於堂求之於明祭於禘求之於遠皆孝子

博求之意也大夫求諸明士求諸幽尊卑之差也殷

人先求諸明周人先求諸幽質文之義也禮天子諸

侯卿大夫牛羊豕凡三牲曰太牢天子元士諸侯之

卿大夫羊豕凡二牲曰少牢諸侯之士特豕天子之

牲角搔諸侯角尺卿大夫索牛音義

祊必庚反少詩照反索所百反

疏

注無牲至之薦解云謂無牛羊豕之牲也而中霤禮云祭五祀于廟用牲不尸皆薦于奧何以薦用

牲彼謂正祭之時先薦于奧仍自無牲其正祭五祀乃用牲有尸耳○天子至差也解云皆時王之禮中

霤禮亦然○殷人至義也解云卽郊特牲云殷人先

求諸陽周人先求諸陰是也○禮天至太牢解云皆

時王之禮也○天子至索牛解云皆指祭宗廟之牲

也仍不妨王制云祭天地之牛角繭栗賓客之牛角

尺之文也常事不書此何以書譏何譏爾譏亟也注亟數

也屬十二月已烝今復烝也不異烝祭名而言烝者

取冬祭所薦衆多可以包四時之物音義

亟去冀反數也注及

下同數所角反屬十音燭

疏

注屬十至烝也解云烝

下同今復扶又反下同

者冬祭之名明去年十

二月已有烝但得常不書今正月復作烝故言亟○

不異至之物解云烝者冬時祭名前已作訖今宜易

名而猶言烝

亟則黷黷則不敬注黷渫黷也音義

徒黷

故說之也

木反渫君子之祭也敬而不黷注君子生則敬養死

息列反則敬享故將祭宮室既修牆屋既繕百物既備序其

禮樂具其百官散齊七日致齊三日夫婦齊戒沐浴

盛服君牽牲夫人奠酒君親獻尸夫人薦豆卿大夫

相君命婦相夫人洞洞乎屬屬乎如弗勝如將失之

濟濟乎致其敬也愉愉乎盡其忠也勿勿乎其欲饗

之也文王之祭事死如事生孝子之至也音義

養餘亮反

散素旦反齊側皆反相息亮反洞大董反勝

疏注君

音升濟子禮反又似兮反愉羊朱反勿如字

疏注君

敬享解云祭義文也彼鄭注云享猶祭也○故將祭

至百官解云皆出祭義何氏差約言之也○散齊七

日解云即祭統云故散齊七日以定之注云定者定

其志意也定其志意者謂齊之日不御不樂不弔是

也○致齊三日解云卽祭統云致齊三日以齊之是致齊者卽鄭氏云致之言至致謂深也審也之屬是也○夫婦至奠酒解云案今祭義酒作盞字鄭注云奠盞設盞齊之罇蓋所見異或何休以義引之不取正文○君親至如事生解云皆出祭義唯孝子之至一句注者之言也

疏則怠怠則忘

注怠解音義

疏音疎下注同解古賣反

士不及茲四者則冬不裘

夏不葛注禮本下爲士制茲此也四者四時祭也疏

數之節靡所折中是故君子合諸天道感四時物而思親也祭必於夏之孟月者取其見新物之月也裘葛者御寒暑之美服士有公事不得及此四時祭者

則不敢美其衣服蓋思念親之至也故孔子曰吾不

與祭如不祭音義

折中之說反下丁仲反御寒

疏

注禮

本下爲士制者卽士喪禮士虞士相見之屬是也言此者欲道庶人無禮篇故傳家偏舉言之卽曲禮上篇禮不下庶人鄭注云爲其遽於事且不能備物義亦通於此

天王使家父來聘注家采地父字也天子中大夫氏采

故稱字不稱伯仲也疏

注解云上大夫稱伯仲者卽祭伯南季之屬是也次大夫不稱

伯仲者卽此是也下大夫稱官氏名且字者卽宰渠伯糾是也

夏五月丁丑烝

傳何以書譏亟也注與上祀同爲亟也疏

注解云周之三月乃

是夏之孟月自有春祠之禮今周之五月乃夏之三月也猶與上祠同在一時而復爲烝故曰與上祀同爲亟也

秋伐邾婁

冬十月雨雪音義

雨于付反

傳何以書記異也何異爾不時也注周之十月夏之

八月未當雨雪此陰氣大盛兵象也是後有郎師龍

門之戰汙血尤深音義

汙古流字

疏

注解云郎師卽下十年齊侯衛侯鄭伯來

戰于郎是也其龍門之戰者卽下十三年公會紀侯鄭伯己己及齊侯宋公衛侯燕人戰云云是也春秋說云龍門之戰民死傷者滿溝故此注云汜血尤深也

祭公來遂逆王后于紀音義

祭側介反後祭仲祭叔放此

傳祭公者何疏

解云欲言諸侯而逆王后欲言大夫而經文言公故執不知問

天子

之三公也注天子置三公九卿二十七大夫八十一

元士凡百二十官下應十二子祭者采也天子三公

氏采稱爵音義

應應對之應

疏

注天子至采也解云春秋說云立三台以爲三公北

斗九星爲九卿二十七大夫內宿部衛之列八十一紀以爲元士凡百二十官焉下應十二子宋氏云十

二次上爲星下爲山川也此言天子立百二十官者非直上紀星數亦下應十二辰故曰下應十二子也

○三公氏采稱爵者解云卽祭公周公是也上大夫卽例稱伯仲字卽祭伯南季榮叔之屬是也次大夫

不稱伯仲字卽家父之屬是也下大夫繫官氏名且字卽宰渠伯糾是也上士名氏通石尚是也次士以

官錄卽宰嚭是下士略稱人公會王人于洮是也其
劉子單子之屬不稱字而稱子者謂諸侯入為天子

大夫故設文非王臣之常稱若然祭公周公官爵適等而僖九年夏公會宰周公特加宰者彼傳云宰周

公何天子之爲政者也注云宰猶大也三公之職號尊名以加宰知其職大尊重當與天子參聽萬機而

下爲諸侯所會惡不勝
任故加宰仍非常稱也
何以不稱使注据宰周公稱

使疏注解云卽僖三十年天王使宰周公來聘是也而稱宰者義與九年同婚禮不稱

主人注時王者有母也遂者何生事也注生猶造也

專事之辭大夫無遂事此其言遂何注据待君命然

後卒大夫也疏

注解云成十七年十一月壬申公孫嬰齊卒于狸軫傳云非此月日也曷

爲以此月日卒之待君命然後卒大夫曷爲待君命然後卒大夫前此者嬰齊走之晉公會晉侯將執公嬰齊爲公請公許之反爲大夫歸至於狸軫而卒無君命不敢卒大夫公至曰吾固許之反爲大夫然後卒之者是也

成使乎我也注以上來無事知遂成使于我

音義

使所吏反注及下同

其成使乎我奈何使我爲媒可則因

用是往逆矣注婚禮成於五先納采問名納吉納徵

請期然後親迎時王者遣祭公來使魯爲媒可則因用魯往迎之不復成禮疾王者不重妃匹逆天下之母若逆婢妾將謂海內何哉故譏之不言如紀者辟

有外文音義

媒亡孟反請音情又七井反迎魚敬反妃匹音配絕句

疏

注不言至外文

解云外相如者例所不錄言如紀卽外相如故曰辟有外文也

女在其國稱女此其

稱王后何王者無外其辭成矣疏

女在其國稱女者解云卽隱二年紀

履緌來逆女上三年公子翬如齊逆女之屬是也

九年春紀季姜歸于京師

傳其辭成矣則其稱紀季姜何自我言紀父母之於

子雖爲天王后猶曰吾季姜注明子尊不加於父母

京師者何疏

解云欲言天子之居而文不言王欲言凡國而爲王后所歸故執不知問

天

子之居也注以季姜言歸京者何大也師者何衆也

疏

解云京師之名理須訓解故分而問之

天子之居必以衆大之辭言

之注地方千里周城千雉宮室官府制度廣大四方

各以其職來貢莫不備具所以必自有地者治自近

始故據土與諸侯分職而聽其政焉卽春秋所謂內

治其國也書季姜歸者明魯爲媒當有送迎之禮音

義

治直吏反

疏

注地方千里解云卽詩云邦圻千里是也○周城千雉解云在定十二年○卽春至

之禮解云春秋據魯爲王故內魯若周公制禮內京師然也

夏四月

秋七月

冬曹伯使其世子射姑來朝音義

射音亦

傳諸侯來曰朝此世子也其言朝何注据臣子一例

當言聘疏

諸侯來曰朝解云隱十一年師解云爾故此弟子執而難之注解云僖元年傳文

春秋有譏父老子代從政者則未知其在齊與在曹

與注在齊者世子光也時曹伯年老有疾使世子行

聘禮恐卑故使自代朝雖非禮有尊厚魯之心傳見

下卒葬詳錄故序經意依違之也小國無大夫所以

書者重惡世子之不孝甚音義

齊與音餘絕句疏注下同惡烏路反

齊至光也解云卽襄九年冬公會晉侯已下齊世子
光勝子薛伯小邾婁子伐鄭十一年公會晉侯已下
齊世子光莒子邾婁子云云伐鄭是也○時曹至之
心解云正以十年春卒今又世子代其朝故知其疾
也○傳見至詳錄解云卽十年王正月庚申曹伯終
生卒夏五月葬曹桓公是也○故序至孝甚解云世

子代朝明亦合譏世子序諸侯之上明亦合譏而傳云未知在齊曹者正以其卒葬詳錄故依違之不信耳

十年春王正月庚申曹伯終生卒

夏五月葬曹桓公注小國始卒當卒月葬時而卒日葬

月者曹伯年老使世子來朝春秋敬老重恩故爲魯恩

錄之尤深疏

注解云所傳聞之世未錄小國卒葬所聞之世乃始書之其書之也卒月葬時文九

年秋八月曹伯襄卒冬葬曹共公者是也今卒日葬月者正以敬老重恩故也云云之說當文皆自有解

秋公會衛侯于桃丘弗遇

傳會者何期辭也其言弗遇何疏

解云經既書會作聚集之名尋言弗

遇是未見之稱故執不知問

公不見要也注時實桓公欲要見衛

侯衛侯不肯見公以非禮動見拒有恥故諱使若會

而不相遇言弗遇者起公要之也弗者不之深也起

公見拒深傳言公不見要者順經諱文音義

要一遙反注同

冬十有二月丙午齊侯衛侯鄭伯來戰于郎

傳郎者何疏

解云欲言是邑戰於其內欲言非邑經有城郎之文故執不知問

吾近

邑也注以言來也疏

注解云凡言來者鄉內之辭今經言來故知近邑也而僖四年

楚屈完來盟于師是時在召陵
而言來者据師道楚故得言來

吾近邑則其言來戰

于郎何注据齊師宋師次于郎不言來公敗宋師不

言戰龍門之戰不舉地也疏

注据齊師至不言來解云在莊十年○公敗至

不言戰解云隱十年公敗宋師于營莊十年公敗宋
師于乘丘莊十一年公敗宋師于鄆凡有三經言隱
十年以當之○龍門至地也解云卽下十三年春公
會紀侯鄭伯己及齊侯宋公衛侯燕人戰云云依
春秋說云是龍門之戰而不言戰于龍門是也近也惡乎近近乎國也注地

而言來者明近都城幾與圍無異不解戰者從下說

可知音義

惡音烏
幾音祈

疏

解云近讀如附近之近國讀如
圍言兵圍都城相近故言近乎

圍也考諸古本圍皆作國字而舊解以國爲圍

此偏戰也何以不言師敗績

注据十三年師敗績偏一面也結日定地各居一面

鳴鼓而戰不相詐疏

注据十至敗績解云卽龍門之戰齊師宋師衛師燕師敗績是

也

內不言戰言戰乃敗矣注春秋託王於魯戰者敵

文也王者兵不與諸侯敵戰乃其已敗之文故不復

言師敗績魯不復出主名者兵近都城明舉國無大

小當戮力拒之音義

復扶又反下同戮音六又力彫反字亦作勦

十有一年春正月齊人衛人鄭人盟于惡曹注月者桓

公行惡諸侯所當誅屬上三國來戰于郎今復使微者

盟故爲魯懼危錄之音義

扶行下孟反屬音燭復又反爲于偽反

疏

注解云正

以微者盟例合時今而書月故須解之

夏五月癸未鄭伯寤生卒音義

寤吾故反

秋七月葬鄭莊公注莊公殺段所以書葬者段當本國

當從討賊辭不得與殺大夫同例疏

注解云春秋之例君殺無罪大夫皆

去其葬卽成十年晉侯獮卒注云不書葬者殺大夫趙

同等是今段有罪故莊公書葬也然則此言不得與殺

大夫同例者謂不得與

殺無罪大夫同例耳

九月宋人執鄭祭仲

傳祭仲者何疏

解云欲言無罪聽脅立篡欲言有罪褒而稱字故執不知問

鄭相

也注不言大夫者欲見持國重音義

相息亮反見賢偏反下同

何

以不名賢也何賢乎祭仲注据身執君出不能防難

音義

難乃旦反下同

以爲知權也注權者稱也所以別輕重

喻祭仲知國重君輕君子以存國除逐君之罪雖不

能防其難罪不足而功有餘故得爲賢也不引度量

者取其平實以無私音義

稱尺證反別彼列反

其爲知權奈何

古者鄭國處于留先鄭伯有善于鄆公者通乎夫人

以取其國而遷鄭焉注遷鄭都於鄆也音義鄆古而

外反

野留注野鄙也傳本上事者解宗所以得執祭仲因

以爲戒莊公死已葬祭仲將往省于留塗出于宋宋

人執之注宋人宋莊公也謂之曰爲我出忽而立突

注突宋外甥音義

爲于僞反下注爲突非能爲突爲賂爲突歸爲承同

祭仲不

從其言則君必死國必亡注祭仲死而忽旋爲突所

驅逐而出奔經不書忽奔見微弱甚是時宋強而鄭

弱祭仲探宋莊公本弑君而立非能爲突將以爲賂

動守死不聽令自入見國無拒難者必乘便將滅鄭

故深慮其大者也音義

令力呈反下同便婢面反

疏

注祭仲死至弱甚解云下

十五年秋九月鄭伯突入于櫟傳云櫟者何鄭之邑
曷爲不言入于鄭末言爾曷爲末言爾祭仲亡矣然
則曷爲不言忽之出奔言忽爲君之微也祭仲存則
存矣祭仲亡則亡矣者是○祭仲探宋莊公本弑君
而立者在桓二年從其言則君可以生易死國可以存易亡

少遼緩之注宋當從突求賂鄭守正不與則突外乖

於宋內不行於臣下遼假緩之疏

君可以生易死解云謂易去死也○

國可以存易亡

解云易去亡也則突可故出而忽可故反是不可得

則病注使突有賢才是計不可得行則已病逐君之

罪疏

則突可故出解云突可以此之故出之也○而忽可故反解云言忽可以此之故而反之也○

是不可得則病解云言已終能出突而反忽則爲權之成若不能如是乃爲其病矣

然後有鄭

國注已雖病逐君之罪討出突然後能保有鄭國稱

愈於國之亡疏

然後有鄭國解云言突有賢才已計不行雖然仍須勉力討之令忽有國

雖費功力猶愈於國之亡也

古人之有權者祭仲之權是也注古

人謂伊尹也湯孫大甲驕蹇亂德諸侯有叛志伊尹

放之桐宮令自思過三年而復成湯之道前雖有逐

君之負后有安天下之功猶祭仲逐君存鄭之權是

也音義

大音泰

疏

注古人至之道解云出書序

權者何疏

解云欲言正逐君立

庶欲言不正今又言權故執不知問

權者反於經然後有善者也權之

所設舍死亡無所設注設施也舍置也如置死亡之

事不得施疏

長義云若令臣子得行則閉君臣之道啓篡弑之路解云權之設所以扶危濟

溺舍死亡無所設也若使君父臨溺河井寧不執其髮乎是其義也

行權有道自貶損

以行權注身蒙逐君之惡以存鄭是也不害人以行

權注已納突不害忽是也殺人以自生亡人以自存

君子不爲也注祭仲死則忽死忽死則鄭亡生者乃

所以生忽存鄭非苟殺忽以自生亡鄭以自存反覆

道此者皆所以解上死亡不施于己宋不稱公者脅

鄭之篡首惡當誅非伯執也祭仲不稱行人者時不

銜君命出使但往省留耳執例時此月者爲突歸鄭

奪正鄭伯出奔音義覆芳服反疏注皆所至於己解

使所吏反

云言上辟死辟亡

皆爲忽故也○宋不至執也解云決成十五年晉侯
執曹伯歸于京師稱爵也卽僖四年傳云稱侯而執

者伯討也稱人而執者非伯討是也○祭仲至留耳
解云決定六年秋晉人執宋行人樂祁犁之屬稱行
人也○執例時者解云卽祁犁言秋是也而僖十九
年六月己酉邾婁人執鄆子用之而書日者彼注云
日者魯不能防正其女以至於此明當痛其女禍而
自責之然則凡執例時而在日月下者皆當文有解
突歸于鄭

傳突何以名注据忽復歸于鄭俱祭仲所納繫國稱

世子不但名也疏

注解云卽十五年鄭世子忽復歸于鄭是

挈乎祭仲也

注挈猶提挈也突當國本當言鄭突欲明祭仲從宋
人命提挈而納之故上繫於祭仲不繫國者使與外

納同也時祭仲勢可殺突以除忽害而立之者忽內未能懷保其民外未能結款諸侯如殺之則宋軍強

乘其弱滅鄭不可救故少遼緩之音義

挈苦結反提挈也

疏

注欲明至同也解云言與外納同者即繫祭仲言于鄭是也言似僖二十五年楚人圍陳納頓子于頓文十四年晉人納接菑于邾婁之屬是也

其言歸何注据小白言入疏

注解

云即莊九年齊小白入于齊是也

順祭仲也注順其計策與使行權

故使無惡疏

注解云下十五年傳例云歸者出入無惡故言此

鄭忽出奔衛

傳忽何以名注据宋子既葬稱子疏

注解云僖九年三月宋公禦說

卒夏公會宰周公齊侯宋子已下盟于葵丘是也若然案彼經文宋公禦說三月卒夏則公會宋子于葵丘計應未葬故註云宋未葬不稱子某者出會諸侯非居尸柩前故不名也此云宋子既葬稱子者謂以其非居尸柩之前故時已葬之稱而單言子况此鄭忽之父久已葬訖而反名故難之

春秋伯

子男一也辭無所貶注春秋改周之文從殷之質合

伯子男爲一一辭無所貶皆從子夷狄進爵稱子是

也忽稱子則與諸侯改伯從子辭同於成君無所貶

損故名也名者緣君薨有降既葬名義也此非罪貶

也君子不奪人之親故使不離子行也王者起所以

必改質文者爲承衰亂救人之失也天道本下親親

而質省地道敬上尊尊而文煩故王者始起先本天

道以治天下質而親親及其衰敝其失也親親而不

尊故后王起法地道以治天下文而尊尊及其衰敝

其失也尊尊而不親故復反之於質也質家爵三等

者法天之有三光也文家爵五等者法地之有五行

也合三從子者制由中也音義

省所景反

疏

注夷狄至名也解云襄二

十九年吳子使札來聘哀十三年公會晉侯及吳子于黃池之屬是也○名者至義也解云言君薨稱子某既葬稱子者正以既葬稍殺故不得名也然則初薨所以名者降於既葬也今鄭忽書名者緣君薨而名之義也○天道本下親親而質省者已下至反之於質皆出於樂說文○質家爵三等法天之有三光也已下皆春秋說文也

柔會宋公陳侯蔡叔盟于折音義

折之設反又時設反一本作析思歷反

傳柔者何疏

解云欲言大夫經不言氏欲言微者而書其名故執不知問

吾大夫

之未命者也注以俠卒也輒發傳者無氏嫌貶也所以不卒柔者深薄桓公不與有恩禮於大夫也盟不

日者未命大夫盟會用兵上不及大夫下重於士罰疑從輕故責之略蔡侯稱叔者不能防正其姑姊妹

使淫於陳佗故貶在字例疏

注以俠卒也解云隱九年春俠卒傳云俠者何

吾大夫之未命者也彼注云以無氏而卒之也然則此亦無氏而書見故知未命之大夫也○輒發至貶也解云凡內大夫不書氏有二義若未命大夫亦無氏而此與俠是也貶者亦無氏即無駭與翬之屬是也故此注云無氏嫌貶也○所以至夫也解云欲道俠之卒當隱公之世故得書之○盟不至之略解云春秋之例不信者曰下十二年及鄭師伐宋丁未戰于宋是其違信矣不日者正以未命大夫故責之略也○蔡稱至字例解云正以隱八年蔡侯考父卒故有其姑姊妹淫於陳侯佗之事在上六年

公會宋公于夫童音義

夫音扶童音鍾又如字左氏作夫鐘

冬十有二月公會宋公于闕音義

闕口暫反

十有二年春正月

夏六月壬寅公會紀侯莒子盟于毆蛇音義

毆丘于反又音曲侯

反蛇音移又音池左氏作曲池

秋七月丁亥公會宋公燕人盟于穀丘音義

燕音咽

八月壬辰陳侯躍卒注不書葬者佗子也佗不稱侯者

嫌貶在名例不當絕故復去躍葬也音義

躍予若反佗大何反復扶

又反下同
去起呂反

公會宋公子郟音義

郟音談二
傳作虛

冬十有一月公會宋公子龜

丙戌公會鄭伯盟于武父音義

父音甫

丙戌衛侯晉卒注不蒙上日者春秋獨晉書立記卒耳

當蒙上日與不嫌異於篡例故復出日明同疏

注解云
春秋之

例篡不明者至卒時合去日以略之卽僖二十四年冬
晉侯夷吾卒襄十八年冬十月曹伯負芻卒于師之屬
是也若其篡明有立入之文者不嫌非篡故不勞去日
卽僖十七年冬十二月乙亥齊侯小白卒莊二十一年

夏五月辛酉鄭伯突卒之屬是也今此衛侯晉亦隱四年有立文不嫌非篡當日若不重言丙戌則嫌不蒙上日以其篡故略之是以重言丙戌以明嫌也而言獨晉書立者鄭突齊小白皆上有入文不言立故言獨十有二月及鄭師伐宋丁未戰于宋

傳戰不言伐此其言伐何辟嫌也惡乎嫌嫌與鄭人

戰也注時宋主名不出不言伐則嫌內微者與鄭人

戰于宋地故舉伐以明之宋不出主名者兵攻都城

與郎同義音義

惡音烏十三年傳同

疏注宋不至同義解云上十年來戰于郎注云魯

不復出主名者兵近都城明舉國無大小當戮力拒之是也

此偏戰也何以不言

師敗績內不言戰言戰乃敗矣疏

解云上十年即戰之下已有此傳今

復發之者上經來戰于魯此則往戰于宋嫌其異故明之

十有三年春二月公會紀侯鄭伯己巳及齊侯宋公衛侯燕人戰齊師宋師衛師燕師敗績

傳曷爲後日注据鞌之戰先書日音義

鞌音安

疏

注解云成

二年六月癸酉云云及齊侯戰于鞌是也

恃外也其恃外奈何得紀侯鄭

伯然後能爲日也注得紀侯鄭伯之助然後乃能結

戰日以勝君子不掩人之功不蔽人之善故後日以

明之音義

勝詩證反
蔽必婢反

內不言戰此其言戰何注据公

敗宋師于菅音義

菅古
顏反

疏

注解云在
隱十年

從外也注從外

諸侯相與戰例曷爲從外注据戰于宋不從外言敗

績疏

注解云卽上十二年也于時
有鄭人不書敗績之文矣

恃外故從外也注

明當歸功於紀鄭故從紀鄭言戰何以不地注据在

下句疏

注解云卽下云卽
亦近矣卽何以地

近也惡乎近近乎圍卽亦

近矣卽何以地卽猶可以地也注卽雖近猶尚可言

其處今親戰龍門兵攻城池尤危故恥之績功也非

義不戰故以功言之不言功者取其積聚師衆有尊卑上下次第行伍必出萬死而不奔此故以自敗爲文明當坐也燕戰稱人敗績稱師者重敗也戰少而敗多言及者明見伐者爲主故得汲汲敗勝之文音

義

處昌慮反行戶郎反

疏

郎猶可以地也解云卽上十年齊侯衛侯鄭伯來戰于郎是也注郎雖至

其處

解云謂郎雖在郊內仍非攻城猶可以舉其地

○今親至恥也解云春秋說云龍門之戰民死傷者

滿溝

也者主說此經故知之○績功至不戰解云凡

書兵

者正得奉王命伐無禮乃有戰事故言非義不

戰

○必出萬死解云若武王萬民致死而定天下之

類

○燕戰至敗也解云蓋師不盡戰故言戰少敗時

悉走故言敗多而莊二十八年齊人伐衛衛人及齊人戰衛人敗績傳卽据此經云敗者稱師衛何以不稱師未得乎師也彼注云未得成列為師也詐戰不言戰言戰者衛未有罪方欲使衛主齊見直文也者是

三月葬衛宣公注背殯用兵而月不危之者衛弱於齊

宋不從亦有危故量力不責也音義

背音佩后背殯皆放此

疏

注解

云隱三年傳云當時而不日正也當時而日危不得葬也然則衛宣公去年十一月卒至今年三月正當五月之際而又背殯用兵宜書日以見危而不日者正以量力不責故也

夏大水注爲龍門之戰死傷者衆民悲哀之所致音義

爲于
僞反

秋七月

冬十月

十有四年春正月公會鄭伯于曹

無冰

傳何以書記異也注周之正月夏之十一月法當堅

冰無冰者溫也此夫人淫泆陰而陽行之所致音義

洪音逸行

下孟反

夏五鄭伯使其弟語來盟

傳夏五者何疏

解云正以文異常例故執不知問

無聞焉爾注來盟

者聘而盟也不言聘者舉重也內不出主名者主國也莅盟可知莅盟來盟例皆時時者從內爲主義明

王者當以至信先天下音義

莅音利又音類下同

疏

注莅盟至天下解云

其莅盟書時者僖三年冬公子友如齊莅盟定十一年冬叔還如鄭莅盟之屬是也其來盟書時者宣七年春衛侯使孫良夫來盟之屬是也而文十五年春三月宋司馬華孫來盟書月彼注云月者文公微弱大夫秉政宋亦蔽于三世之黨二亂結盟故不與信辭是也然則來盟之例例不言月而此言夏五師所

不說何氏以五字
或衍文故如此解

秋八月壬申御廩災音義

廩力甚反

傳御廩者何疏

解云欲言宮室而文言御廩欲言倉庫今被災之於義不强故執不知問

粢盛委之所藏也注黍稷曰粢在器曰盛委積也御

者謂御用于宗廟廩者釋治穀名禮天子親耕東田

千畝諸侯百畝后夫人親西郊采桑以共粢盛祭服

躬行孝道以先天下音義

粢音咨盛音成委于鬼反注同積子賜反共音恭

疏

注廩者釋治穀名解云謂廩之言藻之義故也○禮天至天下解云皆出祭義之文

御廩災

何以書疏

御廩災何以書者嫌覆問上棗盛委之所藏故不但言何以書

記災也注

火自出燒之曰災先是龍門之戰死傷者衆桓無惻
痛於民之心不重宗廟之尊逆天危先祖鬼神不饗
故天應以災御廩音義應應對之應疏注火自至曰災解云公羊之例內悉
言災而復言火自出燒之者入春秋始有此災欲通人火不書之義也

乙亥嘗

傳常事不書此何以書譏何譏爾譏嘗也注譏新有
御廩災而嘗之曰猶嘗乎注難曰四時之祭不可廢

則無猶嘗乎音義

難乃旦反

御廩災不如勿嘗而已矣注

當廢一時祭自責以奉天災也知不以不時者書本

不當嘗也疏

注知不至嘗也解云周之八月非夏之孟秋而反爲嘗故以不時言之

冬十有二月丁巳齊侯祿父卒

宋人以齊人衛人蔡人陳人伐鄭

傳以者何疏

解云正以宋非強國而以齊衛故執不知問

行其意也注以

已從人曰行言四國行宋意也宋前納突求賂突背

恩伐宋故宋結四國伐之四國本不起兵當分別之

故加以也宋恃四國乃伐鄭四國當與宋同罪非爲

四國見輕重音義

背音佩別彼列反見賢遍反

疏

注宋前納突求賂解云上十一

年宋人執鄭祭仲突歸于鄭是○突背恩伐宋者解云上十二年及鄭師伐宋丁未戰于宋是也

十有五年春二月天王使家父來求車

傳何以書譏何譏爾王者無求求車非禮也注王者

千里畿內租稅足以共費四方各以其職來貢足以

尊榮當以至廉無爲率先天下不當求求則諸侯貪

大夫鄙士庶盜竊求例時此月者桓行惡不能誅反

從求之故獨月音義

共音恭費芳味反行
下孟反下行惡同

疏

解云隱三年武

氏子來求賻之下傳云何以書譏何譏爾喪事無求
求賻非禮也然則彼已有傳而重發之者正以彼云
喪事無求恐此吉時得求故明之○諸侯至盜竊解
云相對為優劣之稱也○求例時解云隱三年秋武
氏子來求賻文九年春毛
伯來求金之屬是也

三月乙未天王崩注桓王也

夏四月己巳葬齊僖公注當時而日者背殯伐鄭危之

疏注解云去年十二月齊侯卒至今年四月是為當時
隱三年傳云當時而不日正也當時而日危不得葬

今此書日故曰危也其背殯伐鄭者即去年冬十二月宋人以齊人己下伐鄭是

五月鄭伯突出奔蔡

傳突何以名注据衛侯出奔楚不名不連爵問之者

并問上已名今復名故使文相顧音義

復扶又反下注故復及傳

文復入并注

疏

注据衛至不名解云在僖二十八年夏○不連爵問之者解云正以下十

六年傳云衛侯朔何以名哀八年傳云曹伯陽何以

名故決之○并問至相顧解云欲言十一年已書名

故言

奪正也注明祭仲得出之故復於此名著其奪

復也

正不以失衆錄也月者大國奔例月重乖離之禍小

國例時也疏

注著其至錄也解云決襄十四年夏四月己未衛侯衎出奔齊之屬書其名者

爲失衆錄之故也○月者至之禍解云下十六年十一月衛侯朔出奔齊及此書五月之屬皆是○小國例時解云昭三年冬北燕伯款出奔齊之屬是也

鄭世子忽復歸于鄭

傳其稱世子何注据上出奔不稱世子疏

注解云上十一年鄭

忽出奔衛是也

復正也注欲言鄭忽則嫌其出奔還入與當

國同文反更成上鄭忽爲當國故使稱世子明復正

以效祭仲之權所以解上非當國也疏

注欲言至復正解云莊九

年夏齊小白入于齊傳云曷爲以國氏當國也者是也○以效祭仲之權解云卽上十一年傳云而忽可

故反是也

曷爲或言歸或言復歸復歸者出惡歸無惡復

入者出無惡入有惡入者出入惡歸者出入無惡注

皆於還入乃別之者入國犯命禍重也忽未成君出

奔不應絕出惡者不如死之榮也入無惡者出不應

絕則還入不應盜國音義

別彼疏曷爲或言歸解云列反傷三十年衛侯鄭

歸于衛之屬是○或言復歸解云此經是也○復入

者至有惡解云襄二十三年晉欒盈復入于晉之屬

是也○入者出入惡解云下文許叔

入于許鄭伯突入于櫟之屬是也

許叔入于許注稱叔者春秋前失爵在字例也入者出

入惡明當誅也不書出時者略小國疏

注稱叔至字例云正以莊十

六年同盟于幽經書許男故也○不書至

小國解云正以上文忽與突出入並書故

公會齊侯于鄆音義

鄆戶老反又火各反左傳作艾穀梁作蒿

邾婁人牟人葛人來朝

傳皆何以稱人注据言朝也疏

注解云正以隱十一年傳云諸侯來曰朝

夷狄之也注桓公行惡而三人俱朝事之三人爲衆

衆足責故夷狄之

秋九月鄭伯突入于櫟音義

櫟力狄反一音匹沃反

傳櫟者何疏

解云欲言國都不言鄭欲言入于鄭復言櫟邑故執不知問

鄭之邑

曷爲不言入于鄭注据齊陽生立陳乞家言入于齊

疏

注解云在哀六年彼傳云景公死而舍立陳乞迎陽生于諸其家諸大夫不得已皆逡巡北面再拜

稽首而君之爾然則陽生實入于陳乞家而言入于齊今突入于櫟而不言于鄭故難之末言爾

注末者淺也解不言入國意曷爲末言爾注据俱篡

也祭仲亡矣注亡死亡也祭仲亡則鄭國易得故明

入邑則忽危矣不須乃入國也所以效君必死國必

亡矣音義

易以鼓反

然則曷爲不言忽之出奔注据上言

出奔也言忽爲君之微也祭仲存則存矣祭仲亡則亡矣注言忽微弱甚於鴻毛僅若匹夫之出耳故不

復錄皆所以終祭仲之言解不虛設危險之嫌疏注

所至之言解云上云祭仲亡則亡矣者所以效十一年君必死國必亡之文今此傳云言忽爲君之微也已下者可以終十一年國可以存易亡之文故言皆所以終祭仲之言也十一年雖不出祭仲之口但傳家爲祭仲而爲此辭故得云祭仲之言也○解不至之嫌解云權者危險之事祭仲比來欲爲君存國非徒然也但國內凡人嫌其虛設故作經傳以解之故曰解不虛設危險之嫌

冬十有一月公會齊侯宋公衛侯陳侯于侈伐鄭注月

者善諸侯征突善錄義兵也不舉伐為重者用兵重於
會嫌月為桓伐有危舉不為義兵錄故復錄會音義昌侈
氏反一傳作襄為疏注解云正以隱七年秋公伐邾婁
桓于僞反下同之屬則言征伐例時而此書月故
決之

十有六年春正月公會宋公蔡侯衛侯于曹

夏四月公會宋公衛侯陳侯蔡侯伐鄭

秋七月公至自伐鄭注致者善桓公能疾惡同類比與
諸侯行義兵伐鄭致例時此月者善其比與善行義故

以致復加月也音義

復扶又反

疏

注致者至伐鄭解云桓是篡賊動作有危今能疾篡

脫危而至故致之○致例時解云即上二年冬公至自唐之屬是

冬城向音義

向式亮反

十有一月衛侯朔出奔齊

傳衛侯朔何以名注据衛侯出奔楚不名疏

解云嫌問出奔

之屬何以名故復連句問之注解云在僖二十八年

絕曷爲絕之注据俱奔也

得罪于天子也其得罪于天子奈何見使守衛朔注

朔十二月朔政事也月所以朝廟告朔是也而不能

使衛小衆注時天子使發小衆不能使行越在岱陰

齊注越猶走也岱岱宗泰山也山北曰陰先言岱陰

後言齊者明名山大澤不以封諸侯以爲天地自然

之利非人力所能加故當與百姓共之傳著朔在岱

陰者明天子當及是時未能交連五國之兵早誅之

疏

注明天子至誅之解云其五國者莊五年冬公會齊人宋人陳人蔡人伐衛是

屬負茲舍

不卽罪爾注屬託也天子有疾稱不豫諸侯稱負茲

大夫稱犬馬士稱負薪舍止也託疾止不就罪音義

屬負茲音燭注同屬託也諸疏注天子至負薪解云
侯有疾稱負茲言朔託有疾疏皆漢禮之名豫詰爲
樂諸侯言負茲者謂負事繁多故致疾大夫言犬馬
者代人勞苦行役遠方故致疾士稱負薪者祿薄不
足代耕故致疾

十有七年春正月丙辰公會齊侯紀侯盟于黃

二月丙午公及邾婁儀父盟于雒注本失爵在名例中

朝桓公稱人今此不名者蓋以爲儀父最先與隱公盟

明元功之臣有誅而無絕音義趙翠疏注本失至在名

癸反疏例解云正以隱

元年得褒乃書字故也○中朝至名者解云卽上十五
年邾婁人牟人葛人來朝是○蓋以至之臣解云隱元

年公及邾婁儀父盟于昧是也○有誅而無絕解云有誅者十五年稱人是責之無絕者今還其字無絕其功也故

五月丙午及齊師戰于奚注夏者陽也月者陰也去夏

者明夫人不繫於公也此戰蓋由桓公曰同非吾子云

爾音義

去起呂反下同

疏

注此戰至云爾解云莊元年傳云公曰同非吾子是然則夫人姜氏三年

至魯六年九月莊公乃生桓公何云同非吾子蓋夫人譖之也或云蓋在齊之日已共私通魯侯知之悼恨之

耳言

六月丁丑蔡侯封人卒

秋八月蔡季自陳歸于蔡注稱字者蔡侯封人無子季

次當立封人欲立獻舞而疾害季季辟之陳封人死歸
反奔喪思慕三年卒無怨心故賢而字之出奔不書者

方以起季奔喪歸故使若非出奔歸不稱弟者見季不

受父兄之尊起宜爲天子大夫天子大夫不得與諸侯

親通故魯季子紀季皆去其氏唯卒以恩錄親季友叔

肸卒是也疏

注魯季至其氏解云卽閔元年季子來歸莊三年紀季以鄰入于齊是也○唯卒至

是也解云卽僖十六年公子季友

卒宣十七年公弟叔肸卒是也

癸巳葬蔡桓侯注稱侯者亦奪臣子辭也有賢弟而不

能任用反疾害之而立獻舞國幾并於蠻荆故賢季抑

桓稱侯所以起其事音義

幾音祁并必政反又如字

疏

注解云正以諸侯之葬皆

稱公故決之

及宋人衛人伐邾婁

冬十月朔日有食之注是後夫人譖公爲齊侯所誘殺

去日者著桓行惡故深爲內懼其將見殺無日音義

行下

孟反爲疏注去日至無日解云若以隱三年傳言之卽于僞反疏某月某日朔日有食之者食正朔若言某月

某日有食之者謂二日食也若言某月日有食之者謂食在晦也今此言朔而不書日故此解之

十有八年春王正月公會齊侯于濼音義

濼郎沃反又音洛說文云

匹沃反

公夫人姜氏遂如齊

傳公何以不言及夫人注据公及夫人會齊侯于陽

穀疏

注解云在僖十一年

夫人外也注若言夫人已爲公所絕

外也疏

注解云欲言不假言及是外之意

夫人外者何內辭也注內

爲公諱辭音義

爲于僞反

其實夫人外公也注時夫人淫

於齊侯而譖公故云爾言遂者起夫人本與公出會

齊侯于樂故得并言遂如齊不書夫人會書夫人遂

者明遂在夫人齊侯誘公使遂如齊以夫人譖公故

音義

譖側鳩反下同

夏四月丙子公薨于齊注不書齊誘殺公者深諱恥也

地者在外爲大國所殺於國此危國重故不暇隱也疏

注不書至恥也解云如此注者正決昭十一年楚子虔

誘蔡侯般殺之于申之文也○地者至隱也解云魯侯

被殺例不舉地故隱公閔公直丁酉公之喪至自齊注

言薨而已今此言齊故如此解

凡公薨外致日者危痛之外多窮厄伐喪內多乘便而

起不可不戒慎加之者喪者死之通辭也本以別死生

不以明貴賤非配公之稱故加之以絕音義

使婢面反別彼列反

稱尺疏注凡公至痛之解云卽此及定元年夏證反六月癸亥公之喪至自乾侯之屬是也

秋七月

冬十有二月己丑葬我君桓公

傳賊未討何以書葬注据隱公也讐言在外也讐言在外

則何以書葬注据俱讐也君子辭也注時齊強魯弱

不可立得報故君子量力且假使書葬於可復讐而

不復乃責之諱與齊狩是也桓者謚禮生有爵死有

謚所以勸善懲惡也禮諸侯薨天子謚之卿大夫受

謚於君唯天子稱天以誄之蓋以爲祖祭乃謚丁酉

公之喪至自齊丁巳葬我君定公雨不克葬戊午日

下昃乃克葬是也以公配謚者終有臣子之辭上葬

日者起生者之事也且明王者當遣使者與諸侯共

會之加我君者錄內也猶君薨地也音義

懲直升反使所吏反

疏

注諱與齊狩是也解云莊四年冬公及齊人狩于部公曷爲與微者狩齊侯也齊侯則其稱人何諱

與讐狩是也○禮諸至誄之解云卽曾子問曰賤不誄貴幼不誄長禮也鄭注云誄累也累列生時行迹讀之以作謚謚當由尊者成又云唯天子稱天以誄之注云以其無尊焉又云諸侯相誄非禮也是也○蓋以至是也解云所以知祖祭乃謚者正以公之喪至自齊未有謚丁巳葬我君定公欲葬遇雨不得葬經書定公故知宜是作祖祭時爲之也禮記檀弓下篇云公叔文子卒其子戌請謚於君云日月有時將葬矣請所以易其名者義亦通於此○上葬至地也解云考諸古本皆無上字衍文隱三年傳過時而日隱之注云隱痛賢君不得以時葬丁亥葬齊桓公是也然則此君四月薨至于今十二月亦是過時而日者亦是痛其賢君不得以時葬非其辭真故曰起生者之事言其非爲臣子矣或者上葬爲此上文之葬若昭三年葬滕成公之下注云月者襄公上葬諸侯莫肯加禮獨滕子來會葬故恩錄之之類也

春秋公羊傳注疏卷五

春秋公羊傳卷五考證

焚咸邱傳邾婁之邑也○劉敞曰公羊凡經所書內取邑苟不繫國悉歸之邾婁又曰經但言焚咸邱而無兵戈之意安知不以火田乎臣浩按莊二年慶父伐於餘邱公羊亦以爲邾婁之邑君存焉耳凡無國名之邑悉繫之邾婁誠如劉敞所譏

夏穀伯綏來朝鄧侯吾離來朝傳失地之君也○劉敞曰若實失地何故稱朝春秋不以禮假人如之何以

奔爲朝也又諸侯失地者不必名溫子弦子譚子是也何休謂名者見不世也彼三君者亦嘗世乎

傳其稱侯朝何注下去二時者桓公以火攻人君故貶

明大惡○

臣召南

按桓公四年七年經皆闕秋冬二

時十七年五月不書夏何氏強爲之說於義實不可通如昭十年無冬定十四年無冬皆闕文耳

已卯烝傳烝者何疏欲言宗廟之祭一段○監本誤刊於夏曰初注下今改正

紀季姜歸于京師傳其辭成矣則其稱紀季姜何○顧
炎武曰從逆者而言謂之王后從歸者而言謂之季
姜此自然之文也猶詩言爲韓姞相攸左傳言息嬀
將歸過蔡皆未嫁而冠以夫國之號此臨文之不得
不然公羊以爲王者無外其辭成矣又以爲父母之
於子雖爲王后猶曰吾季姜說經雖巧非聖人之意
矣今將曰逆季姜於紀則初學之士亦知其不通又
將曰王后歸于京師則王后者誰之女歟公羊子蓋

拘于在國稱女之例而不知文固有倒之而順者也

葬鄭莊公注莊公殺段所以書葬者段當本國當從討

賊辭○

臣召南

按經因史文凡來赴者書卒魯使人

會其葬者書葬非有褒貶之例不然鄭寤生拒王命
射王肩取許國罪大惡極不止克段一事也何注每
於卒葬致詳不惟誣經兼誣傳矣

宋人執鄭祭仲傳何賢乎祭仲以爲知權也○

臣召南

按公羊之傷義害教莫如此傳漢賈逵謂祭仲之屬

左氏義深於君父公羊多任于權變晉范甯亦曰公羊以祭仲廢君爲行權是神器可得而闕也王應麟困學紀聞曰若祭仲者董卓司馬師孫綝桓溫之徒也其可褒乎皆切中其病

傳權者反於經然後有善者也○程子曰漢儒以反經合道爲權故有權變權術之論皆非也

鄭忽出奔衛傳春秋伯子男一也○顧炎武曰傳文簡而難曉李因篤云春秋之法天子三公稱公王者之

後稱公其餘大國稱侯小國稱伯子男是則公侯為
一等伯子男為一等也故子產曰鄭伯男也遭喪未
踰年之君公侯皆稱子如宋子衛子陳子之類是也
以其等本貴於伯子男故降而稱子今鄭伯爵也伯
與子男為一等下此更無所降不得不降而書名名
非貶忽之辭故曰辭無所貶也

臣宗楷

按鄭忽不爵

而書名以未免喪不稱君也觀僖公九年經書里克
殺其君之子奚齊其義可見何氏謂春秋改周之文

從殷之質曲說悖理則劉氏權衡嘗糾其謬矣

春二月公會紀侯鄭伯己巳及齊侯宋公衛侯燕人戰

傳近也注今親戰龍門兵攻城池尤危○臣召南按

左傳無戰龍門之說公羊家言之耳漢書五行志桓
十四年八月御廩災董仲舒以爲先是四國共伐魯
大破之於龍門注引韋昭曰魯郭門也

鄭世子忽復歸于鄭傳曷爲或言歸注不如死之榮也
○劉敞曰何休以死責忽尤非也公羊許祭仲知權

能以生易死今又責忽之不死不亦惑哉

又注則還入不應盜國○此句難解疏又無說疑有
錯誤

許叔入于許注稱叔者春秋前失爵在字例也○臣召

南按公羊家必不肯信左氏故憑空臆斷以爲春秋
前失爵于邾儀父亦然

鄭伯突入于櫟傳曷爲不言入于鄭末言爾○劉敞曰
非也實入于櫟未入于鄭豈得言鄭哉衛侯入于夷

儀蒯聵入于戚公居于鄆皆一例也

公及邾婁儀父盟于趯注今此不名者蓋以爲儀父最先與隱公盟明元功之臣有誅而無絕○劉敞曰若元功之臣有誅無絕則滕侯薛侯未嘗有罪一褒之後便黜稱伯子何也

五月丙午及齊師戰于奚注去夏者明夫人不繫于公也○臣召南按左氏穀梁經五月上皆有夏字公羊經無何氏遂造爲夫人不繫於公之說惑已如何氏

說春秋時二百四十二年中豈有可存之春夏秋冬乎

葬蔡桓侯注稱侯者亦奪臣子辭也有賢弟而不能任用反疾害之而立獻舞國幾并于蠻荆○劉敞曰注非也春秋時禍亂有甚於封人者未聞奪也


冬十月朔日有食之注去日者著桓行惡○臣宗楷按

書朔不書日趙匡陳傳良皆以爲闕文注曲說也

葬我君桓公傳疏日月有時將葬矣○監本脫將字今

依檀弓本文添補

春秋公羊傳卷五考證



覆校官編修臣蕭際韶

校對官檢討臣郭寅

謄錄監生臣魏廷良